



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՈՒՄԻ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱԶԳ. ՎԱՅԱՆ ԵՒ ԱՆՈՒՇ ԸՎԱՄԼԵԱՆ ՎԱՐԺԱՐԱՆԻ ԱԲԱՐՏԱԿԱՆ ԴԱՍԱՐԱՆԻ ԱՇՎԿԵՐՏՆԵՐԸ ԱԶԳ. ԱՌԱՋՆՈՐԴԱՐԱՆ ԱՅՑԵԼԵՑԻՆ

Հայաստան իրենց ուխտագնացութենէն մօտաւորապէս ամիս մը ետք, Ազգային Վահան եւ Անոյշ Շամլեան վարժարանի աշակերտները Չորեքշաբթի, 25 Մայիսի առաւօտուն, իբրեւ ուխտաւորներ այցելեցին Ազգային Առաջնորդարան, ուր ընդունուեցան Թեմիս բարեխնամ Առաջնորդ Բարձր. Տ. Սուշեղ Արք. Մարտիրոսեանի եւ հոգեւոր հայրերու կողմէ, աղօթեցին, Առաջնորդ Սրբազան Հօր ձեռամբ Ս. Հաղորդութիւն ստացան, ապա, նախաճաշի պահէ մը ետք, գեղարուեստական յայտագիրով մը պատուեցին հիւրընկալները:

Վարժարանի տնօրէնութեան կողմէ հաստատուած գեղեցիկ աւանդութիւն մըն է այս ուխտագնացութիւնը: Օգտուելով վարժարանին մերձակայութենէն, աշակերտները, իրենց ուսուցիչներուն եւ կարգ մը ծնողներու ընկերակցութեամբ հետիոտն հասան Ազգ. Առաջնորդարան ու առաջին հերթին, առաջնորդուեցան «Ս. Տրդատ եւ Ս. Աշխէն» մատուռ: Առաջնորդ Սրբազանին կողքին էին Ս. Աստուածածին եկեղեցւոյ հոգեւոր հայրերէն՝ աշակերտներուն կրօնի դասատուները՝ Արժ. Տ. Վազգէն Քիւյ. Աթմաճեան եւ Արժ. Տ. կոմիտաս Քիւյ. Թորոսեան: Հաւաքական աղօթքէ ետք, աշակերտներն ու անձնակազմի անդամները Ս. Հաղորդութիւն ստացան ձեռամբ Առաջնորդ Սրբազանին: Ազգ. Առաջնորդարանի շրջափակին մէջ գտնուող յուշարձանին առջեւ միասնաբար լուսանկարուելէ ետք, աշակերտները առաջնորդուեցան «Տիգրան եւ Չարուհի Տեր Ղազարեան» սրահ, ուր տեղի ունեցաւ մտերմիկ հանդիպում մը: Աշակերտները ներկայացուցին երկու խմբային արտասանութիւն եւ դաշնակի վրայ երաժշտական երկու գործ: Գեղարուեստական բաժնին մասնակցութիւն բերաւ նաեւ վարժարանին տնօրէնը՝ Տիար Վազգէն Մատելեան, նուազելով դաշնակի վրայ: Իսկ վարժարանի ծնողներէն Տոքթ. Վահէ Փիրումեան, Հայաստան ուղեւորութենէն իբրեւ յիշատակ՝ իր դստեր հետ միասին Առաջնորդ Սրբազանին նուիրեց մեծադիր լուսանկար մը՝ Հաղործին վանքի լուսանկարը, որ իր գործն էր:

Առաջնորդ Սրբազանը հակիրճ պատգամ մը ուղղեց աշակերտներուն: Յիսուսի այլակերպութեան դրուագը պատմելէ ետք, Առաջնորդ Սրբազանը

նկատել տուաւ, որ աշակերտները, վերացած էին երանական ու խաղաղ պահէն, ցանկութիւն յայտնեցին, որ այդ պահը երկարէր. նոյնպէս ալ, շարունակեց Առաջնորդ Սրբազանը, շատ փափաքելի պիտի ըլլար, որ աշակերտներու այցելութեամբ ու ներկայացուած յայտագիրով ստեղծուած հաճելի պահը երկարէր: Առաջնորդ Սրբազանը բարձր գնահատեց աշակերտներուն այս այցելութիւնը եւ յորդորեց, որ վարժարանէն շրջանաւարտ ըլլալէ ետք, անոնք իրենց հոգիներուն ու կեանքերուն մէջ ամուր պահեն կրթական այս օճախէն իրենց ճաշակած ոգեղէն սնունդը եւ դառնան կամուրջ՝ յաջորդ սերունդներուն հետ: Առաջնորդ Սրբազանը նաեւ բարձր գնահատեց վարժարանին տնօրէնը՝ Տիար Վ. Մատենլեանը, փոխ տնօրէնուհին՝ Տիկին Ռիթա Գաբրիէլեանը, ուսուցիչներն ու ծնողները, այս այցելութեան յաջող կազմակերպումին համար: Վերջապէս, ան շնորհակալութեան ու դրուատիքի խօսք ուղղեց Տոբթ. Վահէ Փիրումեանի, յուշանուէրին համար:

Շնորհակալութեան հակիրճ խօսք մը արտասանեց Տնօրէնը, շնորհակալութիւն յայտնելով այս ջերմ ընդունելութեան համար, միաժամանակ դրուատելով փոխ տնօրէնուհին եւ ծնողաօժանդակ մարմինին ջանադիր աշխատանքն ու դպրոցի կեանքին մէջ անոնց ներդրումը:

Փակման աղօթքէ ետք, աշակերտները դպրոց վերադարձան, իրենց հետ տանելով յուշանուէր աղօթագիրքեր եւ այս երկրորդ ուխտաւորութենէն հաճելի յիշատակներ:

CHAMLIAN SCHOOL GRADUATING CLASS VISITS THE PRELACY

On the morning of Wednesday, May 25th, 2011, the graduating class of Vahan and Anoush Chamlian School visited the Prelacy where they were welcomed by H.E. Archbishop Moushegh Mardirossian and St. Mary's Church Pastors and religion teachers Rev. Fr. Vazken Atmajian and Rev. Fr. Gomidas Torossian. The students were accompanied by Principal Mr. Vazken Madenlian, Vice-Principal Mrs. Rita Kaprielian, teachers and Parent Support Committee members.

It has become a tradition for the graduating class to come to the Prelacy and receive Holy Communion prior to their graduation.

Upon their arrival, the students, teachers, and parents gathered at the "St. Dertad and St. Ashkhen Chapel" where they participated in a prayer service and received Holy Communion from the Prelate.

After breakfast and a group photo taken in front of the memorial monument at the Prelacy courtyard, the students headed to the "Dikran and Zarouhie Der Ghazarian" Hall where they presented a cultural program of poetry and music.

Principal Vazken Madenlian also participated in the cultural program by performing a song on the piano. Parent Dr. Vahe Peroomian and his daughter then presented the Prelate with a framed picture of the Haghartsin Monastery which they had photographed in Armenia.

In his address to the students, the Prelate urged them to keep the Armenian spirit alive and strong in them wherever they may find themselves in the coming years, commended the administration and parents for organizing this annual visit to the Prelacy, and thanked Dr. Peroomian for the gift.

Mr. Madenlian expressed his thanks for the warm reception, and also commended the administration and parents for their service and contributions to the school.

The gathering came to a close with the Prelate's benediction.